

甘肅府縣志輯

中國地方志集成

民國天水縣志

中國地方志集成

甘肅府縣志輯 ③②

民國天水縣志

鳳凰出版社 ● 上海書店 ● 巴蜀書社

天水縣志目錄

卷首

序文 修志姓氏

卷之一

地輿志

總分圖 沿革圖表 緯度表 疆域 山脈 水道 地質
氣候 物產 古蹟 陵墓

卷之二

建置志

縣市 廳署 倉庫 關梁 寺觀 堡砦

卷之三

民族志

戶口 宗教教會附 風俗方言附

卷之四

民政志

議會 自治 警政 賑恤 水利 保甲民團附

卷之五

財賦志

正供 稅捐 倉儲 市糴 差徭 公債
貨幣

卷之六

教育志

教育行政 學區及學制 學校教育 民衆教育 義務教育
社會教育 留學 教育經費

卷之七

軍政志

軍制 紀事黨務附

卷之八

交通志

道路 郵電 運輸

卷之九

職官志

官制 職官表 名宦傳

卷之十

選舉志

學校畢業表 議員表

卷之十一

人物志

人物一 人物二 烈女

卷之十二

藝文志

藝文一

卷之十三

藝文志

藝文二金石附

卷之十四

災異志

序

甘肅踞黃河上游秦州爲隴上之重鎮而天水者卽昔之秦州直隸州又隴南之阨塞奧區也山水靈秀林木密茂物產豐饒民風勤樸生於其間者自古多偉人傑士碩學鴻才元聖伏羲中國文化之祖無容稱已武功則如李廣閻溫儒宗則如薛夏姜龕理學則如劉愿王爵文藝則如李陵趙逸忠節則如尹緯楊大全並堪爲後輩矜式至於名勝古蹟尤往往而在畫卦之台太昊之宮飛將之墓諸葛之壘隗囂之城杜陵草堂之故址亦無不足供後人之憑弔流連也孔子曰

宋不足徵也文獻不足故也又曰雖善無徵無徵不信不信民弗從天水固古名勝區也使無縣志爲之紀載則往蹟湮沒文獻無徵後生小子將無從悉其鄉土歷史又何以聞風興起耶賈總纂宇清生平天水文獻之邦以循良名關輔嗣又觀察於隴之東西所在皆有聲績晚年退休故山鑒於縣志所關之重慨然倡導修纂與其鄉之材俊網羅放失採訪散佚始於民國十八年三月中經時局阻擾時輟時起先後凡八閱春秋始告厥成適余於是年秋奉命承乏甘肅第四區行政督察專員兼天水縣事視事之日正縣志脫稿之時

躬逢其盛亦云幸矣其紀述因俗隨時詳贍明析足資來者
之考鏡是可喜也惟以匪患連年人民疲敝經費無着未卽
付梓余念諸邑賢締造之苦心旣爲設法墊付以速其成復
忘其陋而爲之序

民國二十五年冬景泰安立綏識

天水修志序

天清水之秦州直隸州，古之上邽屬漢陽郡治也，扼隴坻之險，臨清渭之淵，東走寶鳳，綰穀關中，南下昭廣，屏藩巴蜀，西入甘涼，原野千里，北倚六盤，遙控洪流，所謂踵秦舊迹，表裏山河，天地之奧區也，物產阜康，庶類殷繁，菽麥麻棉，松桷枸枿，葱籠邱谷，穰穰郊甸，而川嶽毓靈，代有賢傑，瑰奇碩彥，爲人之表，伏羲創圖，李廣舊迹，發揚文化，抵禦外侮，固已昭垂萬古，炳耀千秋，他如純儒理學，

文藝忠貞，史冊所載，無世無之，所謂秦州爲三隴人文蔚萃之區，信不誣也，惟是聖型賢範，久且湮沒，矧一邑之故實，流傳較狹，倘無竹書汗簡，操觚翰因時而紀之，則昔賢往哲，數典以忘，前休莫繼，後述茫然，是不獨采風者無往轍之可尋，而牧守者亦將無以借箸矣，故涇原道尹邑紳賈君宇清，以鄉賢名宦，退休林下，覩舊志之殘闕，毅然以修纂自任，並糾集邑之知名士，博諮周訪，分別增益，正計時出刊，而以天時人事，變亂相尋，致息作無常，凡閱八載，始

告初成，但以匪患頻仍，財賦困窮，志雖脫稿，而無力付梓，前專員兼縣長景泰安靖侯先生，念創修之艱難，懼日久而散佚，爰挪款籌墊，寄京刊印，復以寇氛而中輟，余以今夏由徽縣奉調此間，案牘之餘，亟欲周悉邑之風土人情，暨川澤之平險，物產之豐嗇，以爲撫字之借鑑，顧舊志既殘破不完，新志又僅初藁，粵古稽今，無以索檢，因課諸邑之英俊，就原稿而釐訂之，付諸剞劂，於是而幾經迂阻之縣志，幸觀厥成，雪泥鴻爪，附驥益彰，爰敘其崖略，以誌榮幸云

爾。

中華民國二十八年十二月閩侯葉憶澍敬誌

序

民國十五年續緒倦遊歸里其時海宇騷然隴上亦兵戈蠶起而故山蒼舊如任文卿哈蜨菴兩先生均尙蕭散岩穴相羊乎規鱗湖山若不知大亂之無極也又二年省政府有飭修縣志之命公議創修天水縣新志並應續修秦州州志州志卽聘任先生爲總纂而以哈先生總董縣志之役兩先生任事之後先後從事撰述積稿盈篋乃天降鞠凶悍寇猝至以十九年四月八日覆城之變胥焜兵火慘罹浩劫不可謂非志乘之厄也土寇陷踞城闔越二十一閱月人皆惴惴不

自保何暇他計厥後櫟檜漸斂絃誦稍復廢置三年之縣志始得重理墜緒而哈先生竟捐館舍其所纂縣志並推任先生兼任焉先生閉門却軌從事於鈎沈闡幽網羅廢墜需時未久續州志已脫稿而縣志亦輟具條貫部居眉列所未成者僅其半耳未幾任先生又歸道山嗣因經費無着停頓復一年明年莊君以綏宰吾邑始倡續修之議展限至二十四年度爲止除先釀資七千元已告匱外又增添七千元以爲局內薪工及異日剗剟之需而地方人士謬相推挹以總纂一席屬贊緒自維浮沉郎署執掌簿書學植益復瓠落深虞

不勝負荷辭謝再三未承衆可因推楊虎臣何子高聶友賜
胡楚白諸君子分任搜集校讎續緒僅詮次而已專員兼理
縣事盧君廣績安君立綏力董其成是以久輟之縣志得竟
事焉賢宰官之功在志乘有足多者續緒附名簡端循省有
愧行將付梓爲述厓略如此丙子冬十月賈續緒序